

Agid finanziel

- Las contribuziuns da maternitad dal chantun Grischun vegnan pajadas durant 10 mais suenter la naschientscha a dunnas e/u a pèrs, sche las entradas na cuvran betg ils baints necessaris per viver e sche la mamma u il bab sa deditgescha a la tgira da l'uffant. Infurmaziuns en chaussa survegnis Vus dals servetschs socials regiunals u dad Adebar.
- Servetschs socials regiunals
[www.gr.ch/Rumantsch/Instituziuns/Administraziun/Departament/d'economia publica e fatgs socials/Uffizi dal servetsch social/dienstleistungen/sozialberatung/wo-hilfe/Seiten/Startseite.aspx](http://www.gr.ch/Rumantsch/Instituziuns/Administraziun/Departament/d'economia%20publica%20e%20fatgs%20socials/Uffizi%20dal%20servetsch%20social/dienstleistungen/sozialberatung/wo-hilfe/Seiten/Startseite.aspx)
- Adebar sustegna dunnas e pèrs che han problems finanzials en connex cun la gravidanza, cun il part, cun esser geniturs u cun la cuntracepziun.
- Differentas organisaziuns privatas u ecclesiasticas gidan en las situaziuns d'urgenza ch'èn resultadas da la gravidanza. Bleras da questas fundaziuns giavischan ina cussegliaziun avant ch'ellas concedan agid sco er ina dumonda en scrit da vart d'in post spezialisà sco p.ex. dals servetschs socials u dad Adebar.

Infurmaziuns davart la pussaivladad da laschar adoptar l'uffant

Vus pudais As drizzar ubain al post uffizial da cussegliaziun per dumondas da gravidanza, a l'autorità per la protecziun d'uffants e da creschids (APUC) u directamain al Post svizzer per dumondas d'adopziun.

Post svizzer per dumondas d'adopziun, Hofwiesenstrasse 3, 8042 Turitg, 044 360 80 90
www.adoption.ch

Impressum

Editur: Uffizi da sanadad dal Grischun, medi chantunal e post da cussegliaziun Adebar dal Grischun
2015

Mussavia En speranza senza vulair?

Tenor l'art. 120 al. 1 lit. b dal cudesch penal svizzer



Medi chantunal
2016

Vus avais il dretg d'ina cussegliaziun – gratuita, neutrala e confidenziala

Ina gravidanza senza vulair po chaschunar ina crisa en la vita d'ina dunna, d'in um u d'in pèr. I sa tschentan dumondas da princip e mo Vus pudais giuditgar, tge ch'ina gravidanza signifitga en Vossa situaziun, e decider, sche Vus vulais cuntinuar u interromper la gravidanza.

Vus As chattais en in conflict

Sch'ina dunna sa chatta en in conflict tranter survegnir in uffant ed interromper la gravidanza, la po gidar ina cussegliaziun professiunala e neutrala tar in post spezialisà uffizial. Ina tala cussegliaziun As po gidar vinavant en cas da dumondas socialas, psicologicas, finanzialas e giuridicas ed As po sustegnair a chattar la dretga decisiun per Vus. Las persunas spezialisadas èn suttamessas a l'obligaziun da discreziun. Vus pudais vegnir a la cussegliaziun er ensemen cun Voss partenari u cun Vossa persuna da referiment.

Vus As essas decidida d'interromper la gravidanza

En quest cas vegn la media responsabla u il medi responsabel a manar in discurs detaglià cun Vus ed As infurmar davart las disposiziuns legalas sco er davart las ristgas da l'interrupziun da la gravidanza per la sanadad. Cunter Vossa suttascripziun avais Vus eventualmain gia survegnì quest mussavia che cuntegna las adressas dals posts da cussegliaziun.

Vus n'avais anc betg 16 onns

La media responsabla u il medi responsabel maina in discurs da cussegliaziun detaglià cun Vus ed As intermediescha ad in post da cussegliaziun ch'è spezialisà per giuvenils. Questa cussegliaziun è **obligatorica** per dunnas che n'han anc betg 16 onns. Las cussegliaziuns èn confidenzialas, gratuitas ed èn suttamessas a l'obligaziun da discreziun. Adressas chattais Vus en il mussavia.

Vus prendais en consideraziun in'adopziun

Da dar liber in uffant per l'adopziun suenter la naschientscha è ina greva decisiun. Las dunnas che prendan en consideraziun in'adopziun sa chattan per il pli en ina situaziun da vita fitg difficila. Dumandai agid ad in post spezialisà per che Vus possias discutir davart Vossa situaziun e prender Vossa decisiun persunala. Adressas chattais Vus medemamain en quest mussavia.

Adressas

Post da cussegliaziun uffizial per dumondas da gravidanza dal chantun Grischun

:adebar»

Post da cussegliaziun per planisaziun da famiglia, sexualitad, gravidanza e partenadi

Sennensteinstrasse 5, 7000 Cuira, 081 250 34 38

beratung@adebar-gr.ch, www.adebar-gr.ch

Las persunas spezialisadas dad Adebar èn liadas a l'obligaziun da discreziun e pon discutir cun ina dunna pertutgada davart dumondas socialas, finanzialas, medicinalas e giuridicas sco er davart sia relaziun. La dunna pertutgada survegn agid e sustegn, independentamain dal fatg, sch'ella vul cuntinuar la gravidanza u sch'ella sa decida per ina interrupziun da la gravidanza. La finamira è quella che la dunna, eventualmain ensemen cun ses partenari, possia chattar ina decisiun autodeterminada ed adequata a sias circumstanzas da vita. Las cussegliaziuns èn gratuitas e confidenzialas, er per persunas minorennas. Ellas han lieu en moda politicamain e confessiunalmain neutrala.

Dunnas en speranza che n'han anc betg 16 onns

En il chantun Grischun èn incumbensads ils dus suandants posts cun la cussegliaziun da dunnas en speranza che n'han anc betg 16 onns.

- :adebar», post da cussegliaziun per planisaziun da famiglia, sexualitad, gravidanza e partenadi
- PUG, psichiatria d'uffants e da giuvenils dal Grischun, Masanserstrasse 14, 7000 Cuira, 081 252 90 23